

跨

鰲

集



于正齋集

四庫全書珍本初集

集部
別集類

詳校官庶吉士臣陳若霖

侍讀臣孫球履勘

謄錄貢生臣郭壩

謄錄舉人臣范翔集

欽定四庫全書

集部三

提要

跨黿集三十卷

別集類二 宋

臣等謹案跨黿集三十卷宋李新撰晁公武
讀書志曰李新字元應仙井人早登進士第
劉涇嘗薦于蘇軾命賦墨竹口占一絕立就
元符末上書奪官謫置遂州流落終身今考
集中上李承旨書稱某叨冒元祐第弔安康

郡君詞序稱解褐通籍在元祐庚午與公武
早登進士之說合上皇帝萬言書首稱元符
三年五月十一日興元府南鄭縣丞李新云
云上吳戶部書稱庚辰之初云云元符紀元
凡三年止于庚辰與公武元符末上書之說
合謝循資啟稱妄投北闕之書久作南冠之
繫與公武謫置之說亦合惟馮隱士碑陰文
稱崇寧二年跨黿居士以言抵罪羈于武信

遺愛堂記亦稱崇寧初入遂寧境則其謫置
在上書後三年又與馮德夫手簡稱歸來山
谷幾半歲時時掖老母登高指烟雲明滅處
正前日羈管所則未嘗終于謫置再與瀘南
安撫手簡稱祇役新疆苟攝支邑上鄭樞相
書稱陸沉州縣三十許年始以城役改官其
他轉資到任諸謝啟雖不能定在何時而更
生閣記稱宣和癸卯八月誤恩貳郡復有謝

茂州到任啟正在是歲則新斥廢以後仍官
至丞倅亦未嘗流落終身均與公武所記不
合豈宋人重內而輕外不挂朝籍即謂之流
落耶新受知蘇軾初自附于元祐之局故其
所上書詞極切直然一經挫折即頓改初心
作三瑞堂記以頌蔡京上王右丞書以頌王
安石上吳戶部書至自咎前日所言得疾迷
罔謂白為黑其操守殊不足道且所作韓長

孺論譏其馬邑之役沮前日之議敗今日之
功所以陰解滅遼之失也作武侯論謂其當
結魏以圖存所以陰解和金之辱也無非趨
附新局以冀遷除公武但記其上書得罪而
不詳其後事亦未免考之未審也惟其詩氣
格開朗無南渡後啁晰之音其文序記諸篇
忽俳忽散雖似不合格而他作亦多俊邁可
誦在北宋末年可以稱一作者固不必定以

其人廢之矣集本五十卷今散見永樂大典
者裒合編次尚得三十卷集中更生閣記述
政和丁酉勦茂州叛羌旺烈事所述宋兵怯
弱之狀殆可笑噓核其地理即今之金川土
司而諸書言蜀事者未嘗舉是篇則是集亦
罕覩之笈矣乾隆四十六年九月恭校上

總纂官

臣紀昀

臣陸錫熊

臣孫士毅

總校官

臣陸

費

墀

欽定四庫全書

跨黿集卷一

宋 李新 撰

賦

癭賦

王孫異疾兮癭喉刺咽強名宿瘤兮吁嗟礪然領如蝟
蟻兮乃增胼胝繫若匏瓜兮亦寄而懸類稟中和兮氣
凝以偏病在腠理兮我尤山川重將覆臆兮墮將委肩
其大如缶兮其小如埏是物也不分貧貴不擇庸賢汝

頽之士兮軫若為之醜江漢之女兮憎爾敗其妍非唯
嘖笑之不適抑亦喘鼻之相牽思操刀而一割顧生理
之難全類駢拇與枝指於幹軀而有緣繫之以瓠蓋已
過矣署之於木則奚慊焉胞拋既可資兒戲枕枕尚可
期妻憐世詩有妻憐為枕枕
兒戲作胞拋之句王孫兮胡不自惟而又何
怨乎天者耶

蛙賦

逃虛西山兮徜徉乎叔皮之方池冥師濯原隰之光兮

少女靜林樾之枝偶萬籟之初聞兮問淫蛙之奚為悲
耶樂耶曷汨汨而無時鳴其類以為才耶或其處之非
宜豈疾痛而呼天兮抑懷憂而增悲漲其腹以怒兮騰
眦目以俱裂將引吭而效鼓吹兮復隸官而隸私居士
曰興考槃之歌賦衡門之詩引澤畔之吟咏北門之薇
士不得志故嗟歎之鳥鳴常山孤雉朝飛杜宇亡國秋
猿號兒物不得平哀也無期意者動吾天機適然騷然
而不自以為勞倡者自倡和者自和而不知其為惡四

隣結蒲藻之好一國幸泥沙之託往歲東鼈等蘇秦之
徇前日丙魚參彭越之臠吾大非鯨鯢兮免京觀之築
小非鯨鯢兮逃竭澤之虐吾身不登於俎豆兮志已忘
於溝壑泳坎井之隘兮同釣天之妙樂據金斛之水兮
謂東海之莫若時跳梁莫予侮兮雖強聒焉而無忤

紓情賦

并序

元應季年得子字以奏雅度曲已終而後奏雅奏
雅君整麗秀發生八月而卒衰宗墜戶不得聞韶

獲之音使奏雅君以殤天其母追念之極自言非
特磔肺膺腸且潰矣會元應冬十月行縣宿樂至
池夕夢奏雅既覺涕泗滂注起呼燭體騷以紓情
荒山絕人百蟲靜匿月逗光以入帷露乘倪而濡席一
榻蝸蛻四支樛梧情通幽而窅窕氣合漠以紓徐夢遇
亡子為樂只且其始見也翩翩婉婉負青陽之歲蕤趨
而即之皜皜炯炯瑩素壁之晶輝薦綠緹之重襲拊絳
綃之輕衣若孤鴻之徇而來也若良瑜之溫以近也目

之翦明濤也膚之剝層冰也蘭之娟如秀以發也珠之
的如粲以潤也不知何以得此於桑樞華牖間蹇莫究
其所鍾也於是畏渴命乳誅笑指頤攬所玩以戲庾或
含睇而迎之音全孤竹之妙章隱霧豹之奇顧予貧之
傑出獲至寶而心疑既歡焉若平昔又焉知其鬼迂謂
偶耕已有伯直授詩詎無宗武繼阿戎之酬客散添丁
之應戶童烏可與談玄惠連定多佳句爾固譏夫駢角
羌輒譽於珠樹將誤徵於鳳毛特置疑於梟父何物老